

امام هادی (ع) شیعه‌نین یورولماز مبارزی

امام هادی (ع) اونون و کۆمکلری اوستونده اولان حکومت طرفیندن فشارلار و مراقبتلره رغماً اؤز حرکتینی ایکی اّمّتی آگاه ائتمک و شیعه‌لردن دفاع ائتمگی باشلادی.

امام هادی (ع) اونون و کۆمکلری اوستونده اولان حکومت طرفیندن فشارلار و مراقبتلره رغماً اؤز حرکتینی ایکی اّمّتی آگاه ائتمک و شیعه‌لردن دفاع ائتمگی باشلادی.

امام هادی مراقبت آلتیندا

متوکلین هدفی امامی سامره‌یه چاغیرماقدان او حضرتین بوتون ایشلرینین گۆز قاباغیندا اولماسی و او حضرتی دربار حاشیه‌سینده کۆلگه‌ده قویماق ایدی.

امام ظاهرده اؤزونو عباسی خلافتی اینن مفاوق گۆرسدیردی و اونلار چاغیران قوناقلیق‌لارا گئدیب مراسملرینده شکر ائلیردی. (غیبت تاریخی، ص ۱۴۲)

حکومتین سیاستی گوندن گونه او حضرتین علییه‌نه توندلشیردی. حتی متوکل خلافتی‌نین آخرلرینده او حضرتی سیاعتلر و چوغول‌لوقلار نتیجه‌سینده زنداندا حبس ائله‌دی. بو چوغول‌لوقلار متوکللی آییق ائلیردی و او حضرتین علییه‌نه اولان مراقبتین آرتیریلماسینا سبب اولوردو.

امام (ع) بو خفقان ایچینده ایشلرین دوز گئتمه‌سینه چالیشیردی. او حضرتین جریانلی ایکی جبهه‌ده قاباغا آپاریردی.

الف: اّمّتی آگاه‌لاندیرماق و اؤز علمی موضعلرینی نشان وئرماق. متوکل او حضرتی سیندیرماق اوچون مختلف عالمریدن او حضرتدن چتین سؤال‌لار سوروشماسینی ایستیردی و حضرت، اونلارا چوخ گوجل و منطقی جوابلار وئرماغینان شیعه دونیاسینا اعتبار قازاندیریردی.

بو باره‌ده یحیی بن اکثم متوکلّه بنله دئییر: «منیم بو کیشیدن سوروشدوقلاریمدان سونرا ایسته‌میرم آیری سوال اوندان سوروشولسون، نییه کی اونون عالم اولدوغو آشکارلانسارافضیلر گوجلنرلر. (مناقب، ج ۳، ص ۵۰۷)

ب: شیعه‌لردن موغایات اولماق و اونلارین احتیاجلارینی یئرینه یئتیرماق

امام شیعه‌لرین گوجلنمه‌سی و فعالیت ائده بیلمکلری اوچون الیندن گلنی ائلیردی.

تاریخده بنله گلیب: امام هادی (ع) اوچون گیزلی و آشکار یوللارینان چوخلو پول خمس، زکات و خراج عنوانیندا گلیردی و او حضرت اونلاری اسلامین منفعتلری یولوندا خرجه‌ییردی کی حرکت دایناماسین. البته بو حرکتلر عباسیلرین گۆزوندن کناردا اولوردو». (مناقب، ج ۳، ص ۵۱۲)

ج: وکالت آدیندا ایشلک سازمانین تأسیسی

شیعه اماملاری‌نین آخر دؤرلری اختناقینان کنجسه‌ده بو زمانلاردا شیعه‌لر اسلامی اؤلکه‌لرده پاییلدی و امام هادی (ع) و عرق، یمن، مصر و آیری منطقه‌لر شیعه‌لری آراسیندا ارتباط واریدی. وکالت سیستمی بو ارتباطی گوجلندیریب تضمین ائلیردی. وکیل‌لر وجوهایت‌ی اماما گۆندرمقدان علاوه جماعتین کلامی و فقهی مشکل‌لرینی رفع ائله‌ماقدا کۆمک ائلیردیلر.

جاسم حسینین دئیغینا اساساً تاریخی روایتلره گۆره شیعه‌لرین وکیل‌لری دؤرد دسته بۆلنوردو:

بغداد، مدائن، سواد و کوفه بصره و اهواز قم و همدان حجاز،

یمن و مصر (جاسم حسین، اون ایکینجی امامین غیبت تاریخی. ص ۱۳۷)

امامین وکیل‌لری مکتوب و مطمئن نفرلرین واسطه‌سی اینن امامینان ارتباطدا اولوردولار.

لینک مطلب در سایت : <http://torki.tebyan-tabriz.ir/?MID=21&Type=News&id=1366>